

MT, Exco Persatuan Mahasiswa Citra UKM ditauliah



BERKHIDMAT. Seramai 26 orang terdiri daripada Majlis Tertinggi (MT) dan Exco Persatuan Mahasiswa Citra Universiti Kebangsaan Malaysia (UKM) telah ditauliahkan oleh Pengarah Pusat Citra, Prof. Dr. Khaidzir Ismail di UKM baru-baru ini.

Presiden Persatuan Mahasiswa Citra UKM, Alaudin Rafiq Rosman berkata, penubuhan persatuan itu diharap dapat berfungsi sebagai orang tengah yang sentiasa menghubungkan para pelajar dengan Pusat Citra Universiti.

"Persatuan ini antara lain dapat mengasah sifat-sifat kepimpinan yang dimiliki oleh pelajar serta diharap akan menjadi sebuah persatuan yang mampu membawa kepada perubahan dinamik yang memberangsangkan," katanya.

Persatuan Mahasiswa Citra UKM telah ditubuhkan oleh Timbalan Naib Canselor Hal-Ehwal Pelajar & Alumni, Prof. Madya Dr. Roslee Rajikan sekali gus membawa kepada perubahan baharu dengan tawaran kursus Ijazah Sarjana Muda Sains Citra yang pertama di Malaysia.

SERAMAI 26 orang ahli Majlis Tertinggi dan Exco yang telah ditauliahkan sebagai ahli Persatuan Mahasiswa Citra Universiti Kebangsaan Malaysia oleh Pengarah Pusat Citra, Prof. Dr. Khaidzir Ismail di UKM.